



ქობულეთის მუნიციპალიტეტის საკრებულო

გ ა ნ კ ა რ გ უ ლ ე ბ ა N218

2015 წლის 29 დეკემბერი
ქ.ქობულეთი

ქობულეთის მუნიციპალიტეტის ტერიტორიაზე
„სტიქიის შედეგად დაზარალებული ოჯახების
დახმარების პროგრამის“ დამტკიცების შესახებ

საქართველოს ორგანული კანონის „ადგილობრივი თვითმმართველობის კოდექსის“ მე-16 მუხლის მე-3, მე-4 პუნქტებისა და ქობულეთის მუნიციპალიტეტის საკრებულოს რეგლამენტის მე-3 მუხლის მე-8 პუნქტის „კ“ ქვეპუნქტის შესაბამისად:

1. დამტკიცდეს ქობულეთის მუნიციპალიტეტის ტერიტორიაზე „სტიქიის შედეგად დაზარალებული ოჯახების დახმარების პროგრამა“ თანახმად დანართისა;
2. კონტროლი განკარგულების შესრულებაზე დაევალოს ქობულეთის მუნიციპალიტეტის საკრებულოს ჯანმრთელობის დაცვისა და სოციალურ საკითხთა კომისიის თავმჯდომარეს (ნ.თხილაიშვილი);
3. განკარგულება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ. N30);
4. განკარგულება ამოქმედდეს 2016 წლის 1 იანვრიდან.

საკრებულოს თავმჯდომარე



ს.ოქროპირიძე

ქობულეთის მუნიციპალური
პროგრამა

1. პროგრამის სახელწოდება:

სტიქიის შედეგად დაზარალებული ოჯახების დახმარების პროგრამა

2. პროგრამის დაწყებისა და დამთავრების თარიღი:

2016 წლის 1 იანვრიდან 2016 წლის 31 დეკემბრამდე;

3. პროგრამის მთლიანი ბიუჯეტი:

საანგარიშო წლის ბიუჯეტი:

1 137 933 (მილიონ ასოციაციური ლარი)

4. პროგრამის დაფინანსების წყაროები:

ძირითადი – ქობულეთის მუნიციპალიტეტის გამგეობა 1 137 933 ლარი;

5. პროგრამის განხორციელებაზე პასუხისმგებელი ორგანო:

ქობულეთის მუნიციპალიტეტის გამგეობის ჯანმრთელობისა და სოციალური დაცვის სამსახური.

6. პროგრამის აღწერა და მისი აქტუალურობის დასაბუთება:

2012 წლის 23 და 26 დეკემბერს საქართველოში, კერძოდ შავი ზღვის ზონაში დაფიქსირდა ძლიერი მიწისძვრა. ქობულეთის მუნიციპალიტეტის ტერიტორიაზე მიწისქვეშა ბიძგების შემოქმედების შედეგად შედეგად დაზარალებული იყო: ა) 140 ოჯახი რომელთა საცხოვრებელი სახლი ექვემდებარებოდა ალდგენას ბ) 28 ოჯახი რომლის საცხოვრებელი სახლი არ ექვემდებარებოდა ალდგენას და გ) 12 მრავალბინიანი საცხოვრებელი სახლი.

2015წელს გამგეობის ეკონომიკის, ინფრასტრუქტურისა და საინვესტიციო განვითარების სამსახურის მიერ განმეორებით იქნა შესწავლილი 2012 წლის მიწისძვრის შედეგად დაზარალებული ოჯახების საცხოვრებელი სახლები. დაზუსტებულ იქნა იმ ოჯახების რაოდენობა რომელთაც დღეის მდგომარეობით არა აქვთ აღმოფხვრილი მათ საცხოვრებელ სახლებზე მიწისძვრით მიყენებული ზიანი და შედგენილია მათი საცხოვრებელი სახლების ალდგენა-გამაგრების საჭირო ხარჯთაღრიცხვა . კერძოდ,

ა) 140 ოჯახიდან 2 ოჯახს სახლის გამაგრებისათვის სარეზერვო ფონდიდან გამოეყო თანხა, ხოლო 4 ოჯახი მეწყრული პროცესის განვითარების გამო დაემატა ეკომიგრანტთა სიას.

ბ) 28 ოჯახიდან, რომლის საცხოვრებელი სახლი არ ექვემდებარებოდა ალდგენას დაკმაყოფილდა 10 ოჯახი, ხოლო 4 ოჯახი მეწყრული პროცესის განვითარების გამო დაემატა ეკომიგრანტთა სიას.

გ) 12 მრავალბინიანი საცხოვრებელი სახლი. აქედან 11 მრავალბინიანი სახლი ექვემდებარება ალდგენას, ხოლო 1ყოფილი კვირიკეს მეურნეობის საერთო საცხოვრებელი სახლი N1 (11 ოჯახი) არ ექვემდებარება ალდგენას. მათი დაკმაყოფილება დაგეგმილია კვირიკეს მეურმეობის ადმინისტრაციულ შენობაში, რომლის ალდგენა-რეაბილიტაციისათვის შექნილია საპროექტო დოკუმენტაცია ღირებულებით 489 015 ლარი.

2012წლის მიწისძვრით დაზარალებულმა ოჯახებმა მწირი შემოსავლების გამო, საკუთარი სახრებით ვერ შეძლეს მიწისქვეშა ბიძგების გამო ამორტიზირებული და დაზარეული სახლების ალდგენა-გამაგრება. შესაძლებელია ასეთი ამორტიზირებული სახლები დაინგრეს და ოჯახი თავშესაფრის გარეშე დარჩეს, შესაძლებელია ვილაცის სიცოცხლეს კი შეიწიროს.

ყოველივე ზემოაღნიშნულის გათვალისწინებით ქობულეთის მუნიციპალიტეტის გამგეობამ შეიმუშავა წინამდებარე პროგრამა.

7. პროგრამის მიზნები მათი მიღწევის შეფასების ინდიკატორები

#	პროგრამის მიზნები	მიზნების მიღწევის შეფასების ინდიკატორები
1	ქობულეთის მუნიციპალიტეტის ტერიტორიაზე 2012წლის მიწისძვრით დაზარალებული ოჯახებისთვის საცხოვრებელი სახლების აღდგენა- გამაგრება	მოსარგებლუე პირთა რაოდენობა
2	2012წლის მიწისძვრით დაზარალებული ოჯახების საცხოვრებელი პირობების გაუმჯობესება	კმაყოფილების დონე

8. სამოქმედო გეგმა დასახული მიზნებისა და ამოცანების მიხედვით

#	საქმიანობის აღწერა	იანვარი	აპრილი	მაისი	ივნისი	ივლისი	აგვისტო	სექტემბერი	ოქტომბერი	ნოემბერი	დეკემბერი
1	2012წლის მიწისძვრით დაზარალებული 134 ოჯახისთვის, რომელთა საცხოვრებელი სახლები ექვემდებარება აღდგენას, თანხის გამოყოფა	X	X	X	X	X	X	X	X	X	X
2	2012წლის მიწისძვრით დაზარალებული 14 ოჯახისთვის, რომელთა საცხოვრებელი სახლები არ ექვემდებარება აღდგენას, თანხის გამოყოფა	X	X	X	X	X	X	X	X	X	X
3	2012წლის მიწისძვრით დაზარალებული 11 მრავალბინიანი სახლის მცხოვრებლებისათვის, რომელთა საცხოვრებელი სახლები ექვემდებარება აღდგენას, თანხის გამოყოფა	X	X	X	X	X	X	X	X	X	X

9. პროგრამის მოსრეგბლე პირთა შერჩევის წესი:

პროგრამის მომსახურებით ისარგებლებს 2012 წლის მიწისძვრით დაზარალებული ყველა ის ოჯახი, რომელთაც არა აქვთ აღდგენილი საცხოვრებელი სახლი, რომელიც 2015წელს განმეორებით იქნა შესწავლილი გამგეობის ეკონომიკის, ინფრასტრუქტურისა და საინვესტიციო განვითარების სამსახურის მიერ და შედგენილია მათი საცხოვრებელი სახლების აღდგენა-გამაგრებისათვის საჭირო ხარჯთაღრიცხვა.

10. პროგრამის ბიუჯეტი:

ა) პროგრამის დაფინანსება წლების მიხედვით

#	წყაროს დასახელება	2016წელი	2017წელი	2018წელი	სულ
	ძირითადი	1 137 933			1 137 933
	ქობულეთის მუნიციპალიტეტის ადგილობრივი ბიუჯეტი				
	დამატებითი	0	0	0	0
	სულ	1 137 933			1 137 933

ბ) პროგრამის ხარჯები ღონისძიების მიხედვით

N	პროგრამით გათვალისწინებული ღონისძიების დასახელება (დეტალური გამოწერილი)	ერთეულის დასახელება	რაოდენობა	სულ ღონისძიების ხარჯი (ლარი)
2016 წელი				
სულ საქონელი და მომხმარებელი				
სოციალური უზრუნველყოფა				
	2012 წლის მიწისძვრით დაზარალებული ოჯახისათვის, რომელთა საცხოვრებელი სახლები ექვემდებარება აღდგენას, თანხის გამოყოფა	ოჯახი	134	417,832

2012 წლის მიწისძვრით დაზარალებული 14 ოჯახისათვის, რომელთა საცხოვრებელი სახლები არ ექვემდებარება აღდგენას, თანხის გამოყოფა	ოჯახი	14	571,667
2012 წლის მიწისძვრით დაზარალებული 11 მრავალბინიანი სახლის მაცხოვრებლებისათვის, რომელთა საცხოვრებელი სახლები ექვემდებარება აღდგენას, თანხის გამოყოფა	მრავალბინიანი საცხოვრებელი სახლი	11	148,434
სულ სოციალური უზრუნველყოფა			1 137 933

12) დამატებითი ინფორმაცია:

ა) პროგრამაში ეკონომიის წარმომომბის შემთხვევაში შესაძლებელია გარდა 2012წლის მიწისძვრით დაზარალებული ოჯახებისა დაზარება გაეწიოს სტიქიით დაზარალებულ სხვა ოჯახებსაც.

ბ) მოსარგებლის მიერ წარმოდგენილი უნდა იყოს შემდეგი დოკუმენტი:

1. უფლებამოსილი პირის პირადობის დამადასტურებელი მოწმობა;
2. უფლებამოსილი პირის საბანკო რეკვიზიტები;
3. ოჯახის წევრების (მრავალბინიანი სახლების მაცხოვრებლების) ერთობლივი განცხადება გამგებლის სახელზე.